



Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Nezavisni odbor

Broj: 01-04-77-26-1 /25

Sarajevo, 24.07.2025. godine

SKUPŠTINA KANTONA SARAJEVO

OVDJE

PREDMET: Izvještaj o radu Nezavisnog odbora za period juli-decembar 2024. godine - dostavlja se;

Nezavisni odbor na sjednici održanoj dana 24.07.2025. godine razmatrao je Izvještaj o radu Nezavisnog odbora za period juli-decembar 2024. godine, a u skladu s članom 34. stav 4. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, na razmatranje.



PREDSJEDAVAJUĆI NEZAVISNOG ODBORA

Adis Šečić





Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Na osnovu člana 34. st.4. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20) i člana 120. Poslovnika Skupštine Kantona Sarajevo („Službene novine Kantona Sarajevo“ br. 41 /12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22), Skupština Kantona Sarajevo na sjednici održanoj dana _____. 2025. godine, donijela je sljedeći

ZAKLJUČAK

Usvaja se Izvještaj o radu Nezavisnog odbora za period juli-decembar 2024. godine.

Broj: 01-04-_____/25
Sarajevo, __. __. 2025. godine

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

IZVJEŠTAJ
o radu Nezavisnog odbora za period juli – decembar 2024. godine

Sarajevo, juni 2025. godine



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

3/21

Na osnovu člana 33. stav (1) tačka h) i člana 34. stav (4) Zakona o unutrašnjim poslovima Kantona Sarajevo („Službene novine Kantona Sarajevo“ broj: 1/16, 26/19, 31/19 i 39/20) i člana 8. stav 9. Poslovnika o radu Nezavisnog odbora („Službene novine Kantona Sarajevo“, br.: 13/22), Nezavisni odbor na sjednici održanoj dana 24.07.2025. godine, Skupštini Kantona Sarajevo, podnosi;

I Z V J E Š T A J **o radu Nezavisnog odbora za period juli – decembar 2024. godine**

I - Uvod

Nezavisni odbor imenovan je Odlukom o imenovanju Nezavisnog odbora Skupštine Kantona Sarajevo broj: 01-04-5642/22 od 22.02.2022. godine (u daljem tekstu Nezavisni odbor), a isti je u novom sazivu počeo sa radom 02.03.2022. godine.

U izvještajnom periodu Nezavisni odbor obavljao je poslove i zadatke u punom sazivu. U Nezavisni odbor imenovano je sedam članova predstavnika iz reda građana. Mandat članova Nezavisnog odbora traje 4 (četiri) godine.

Nezavisni odbor je u periodu juli-decembar 2024. godine obavljao poslove u skladu sa Zakonom o unutrašnjim poslovima Kantona Sarajevo, Zakonom o policijskim službenicima, Poslovníkom o radu Nezavisnog odbora, kao i drugim relevantnim zakonima i podzakonskim aktima.

U nadležnosti Nezavisnog odbora je da:

- (1) raspisuje i provodi Javni konkurs za imenovanje policijskog komesara;
- (2) vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- (3) prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima i o tome izvještava Skupštinu Kantona Sarajevo;
- (4) ako procijeni za potrebnim može izvršiti neposredni uvid u akte i predmete Uprave policije u skladu sa članom 47. navedenog Zakona;
- (5) predlaže smjenu policijskog komesara Vladi Kantona u skladu sa Zakonom o unutrašnjim poslovima;
- (6) vodi prvošteneni disciplinski postupak protiv policijskog komesara i izriče disciplinske sankcije;
- (7) prima, razmatra i postupa po podnesenim žalbama na rad policijskog komesara;
- (8) usvaja Poslovnik o radu Nezavisnog odbora;
- (9) sačinjava izvještaje o radu Nezavisnog odbora svakih šest mjeseci i dostavlja ih Skupštini Kantona na razmatranje;
- (10) sačinjava detaljan tromjesečni izvještaj o radu policijskog komesara, koji dostavlja Skupštini Kantona;
- (11) po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo;
- (12) obavlja druge poslove propisane Zakonom o unutrašnjim poslovima Kantona Sarajevo, Zakonom o policijskim službenicima Kantona Sarajevo i drugim propisima.

II – Normativni dio

U vršenju zadataka iz svoje nadležnosti, Nezavisni odbor je donosio zaključke, sačinjavao odgovore, informacije, tražio dostavljanje informacija i podataka i iste razmatrao, sačinjavao i druge akte iz svoje nadležnosti, te redovno obavještavao javnost o svom radu.

III - Tematski dio

Tokom izvještajnog perioda, Nezavisni odbor je održao 6 redovnih sjednica.

TRIDESET PRVA SJEDNICA (31.07.2024. godine)

Trideset prva sjednica Nezavisnog odbora, održana je dana 31.07.2024. godine s početkom u 17 sati u prostorijama Skupštine Kantona Sarajevo.

Sjednici je prisustvovalo šest(6) članova Nezavisnog odbora, dok je jedan član odbora opravdao svoje odsustvo.

DNEVNI RED

1. Usvajanje Zapisnika sa 30. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec juni 2024. godine;
3. Informacija o aktivnostima Uprave policije MUP-a Kantona Sarajevo za period januar-juni 2024. godine;
4. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april - 30. juni 2024. godine;
5. Razmatranje pritužbe na rad policijskog komesara Uprave police MUP-a Kantona Sarajevo;
6. Razno
 - 6.1. Razmatranje anonimne prijave i žalbe na postupanje, rad i provjeru eventualne zloupotrebe i prekoračenja ovlaštenja Komisije za unapređenje policijskih službenika u čin "inspektor i mlađi inspektor" u MUP KS Uprave policije Kantona Sarajevo i Komisije u čin "viši inspektor";
 - 6.2. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2023. godine i
 - 6.3. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar -mart 2024. godine.

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 30. sjednice Nezavisnog odbora

Predsjedavajući Adis Šečić je stavio je na glasanje prijedlog o usvajanju Usvajanje Zapisnika sa 30. sjednice Nezavisnog odbora koja je održana 28.06.2024.godine, te je konstatovao da je Zapisnik sa 30. sjednice Nezavisnog odbora jednoglasno usvojen (5/5).

U 17:15 sati na sastanak je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec juni 2024.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec juni 2024.godinu istakao je da je u navedenom periodu registrovano manje događaja sa obilježjem krivičnog djela. U nastavku je prezentirao evidencirane događaje po oblastima. U junu tekuće godine u odnosu na isti mjesec 2023.godine registrovano je više događaja protiv života i tijela. Registrovana su dva ubistva i jedano djelo ubistvo u pokušaju. Evidentirano je više događaja sa obilježjem krivičnog djela: protiv slobode i prava čovjeka i građanina, protiv braka, porodice i mladeži, protiv opće sigurnosti ljudi i imovine, protiv pravosuđa, dok je evidentirano manje događaja sa obilježjem krivičnog djela: protiv zdravlja ljudi, protiv imovine, protiv javnog reda i protiv prometa. Protiv slobode i morala evidentiran je isti broj događaja kao u junu 2023.godine. Što se tiče ostalih protivpravnih i asocijalnih ponašanja nisu evidentirani događaji aktiviranja minsko-eksplozivnih sredstava. Registrovano je više požara i samoubistava. U oblasti javnog reda i mira evidentirano je više prekršaja. U junu tekuće godine registrovano je više saobraćajnih nezgoda u odnosu na isti period prethodne godine. U navedenom mjesecu oduzeto je 22 motorna vozila od višestrukih povratnika u činjenju prekršaja iz oblasti ZOOPS-a.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec juni 2024.godine.

AD-3.- Informacija o aktivnostima Uprave policije MUP-a Kantona Sarajevo za period januar-juni 2024.godine

Policijski komesar Fatmir Hajdarević je ukratko prezentirao Informaciju o aktivnostima Uprave policije MUP-a Kantona Sarajevo za period januar-juni 2024.godine. Istakao je da je u navedenom periodu evidentirano manje događaja sa obilježjem krivičnog djela u odnosu na isti period 2023.godine. Registrovano je više djela iz oblasti protiv života i tijela, protiv zdravlja ljudi, dok je registrovano manje djela iz oblasti protiv imovine. Što se tiče javnog reda i mira evidentirano je manje prekršaja. Također, evidentirano je manje saobraćajnih nezgoda. Od višestrukih povratnika u činjenju prekršaja iz oblasti ZOOPS-a oduzeto je 146 motornih vozila, što je za 130 više. Nakon izlaganja policijskog komesara, članove NO je interesovala procedura nakon oduzimanja vozila, kakvo društvo ima korist od istih i da li je bilo sastanaka sa predstavnicima Suda vezano za oduzimanje vozila.

Policijski komesar je odgovorio da se oduzimanjem vozila sklanjaju višestruki povratnici sa cesta. Sa predstavnicima Suda su imali sastanke na kojim se pokušala usaglasiti praksa vezano za oduzimanje vozila.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za period januar-juni 2024.godine.



AD-4.- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april - 30. juni 2024.godine

Policijski komesar Fatmir Hajdarević je prezentirajući Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april - 30. juni 2024.godine istakao da se nada da će Zakon o izmjenama i dopunama Zakona o javnim nabavkama koji je stupio na snagu 31.07.2024.godine omogućiti nabavku uniformi policijskim službenicima. U toku je druga faza nabavke opreme i vozila za Specijalnu jedinicu. Uprava policije vrši redovne racije.

Tokom diskusije o izvještaju, članove NO je interesovala primjena body kamera na terenu i da li ima tehničkih problema, policijski komesar je odgovorio da se policijski službenici najviše žale da tehničke karakteristike nisu zadovoljavajuće, odnosno baterije kratko traju, i vršit će se reklamacija. Primjena kamera je doprinijela kvalitetnijem radu policajaca na terenu.

Postavljeno je pitanje policijskom komesaru, kolika je popunjenost u Upravi policije od ukupno sistematizovanih radnih mjesta državnih službenika i namještenika. Također je postavljen upit, da li je tačno da administrativne poslove rade policijski službenici i koliko ih radi.

Policijski komesar je odgovorio da nisu popunjena sva radna mjesta državnih službenika i namještenika. Problem je u Pravilniku o unutrašnjoj organizaciji MUP-a Kantona Sarajevo i radit će se izmjene i dopune Pravilnika. Želi formirati Odjeljenje za unos naloga. Već su krenuli da popunjavaju radna mjesta državnih službenika i namještenika. Što se tiče policijskih službenika koji rade administrativne poslove u svim stanicama je smanjen broj.

U nastavku policijskom komesaru NO je ukazao na propust koji je uočen u izvještaju i to: grafički prikaz sistematizovanih radnih mjesta ne oslikava tabelarni. NO je istakao da je zabrinjavajući broj povratnika u vršenju krivičnih djela i smatra da bi komesar trebao obaviti razgovor sa Sudom kako bi se riješio ovaj problem.

Također je upitan, kako se vode tri leša u Starom gradu, policijski komesar je odgovorio da se vode pod događajem i još nisu završena vještačenja.

Nezavisni odbor je postavio pitanje u vezi rada Odjeljenja za narkotike, ko vrši pripreme racija i odabir lokacija za iste.

Policijski komesar je odgovorio da je zadovoljan sa radom Odjeljenja za narkotike.

U nastavku Nezavisni odbor je sugerisao policijskom komesaru da preduzme sve zakonske mjere i radnje kako bi unaprijedio rad Uprave policije, kao i na šta bi trebao skrenuti pažnju službenicima koji pripremaju izvještaje o radu policijskog komesara. Zatražio je da policijski komesar dostavi izvještaj o rezultatima unutrašnjeg nadzora.

Nezavisni odbor je primio k znanju Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. april - 30. juni 2024.godine.

AD-5- Razmatranje pritužbe na rad policijskog komesara Uprave policie MUP-a Kantona Sarajevo

Predsjedavajući Adis Šečić je prisutne informisao da je Odbor za žalbe javnosti Skupštine Kantona Sarajevo Nezavisnom odboru prosljedio Prigovor Hadžikadić Adnana, zastupanog po Advokatskom društvu Kurtović & Co d.o.o Sarajevo i predložio da se isti prosljedi policijskom komesaru Fatmiru Hajdareviću.

Nezavisni odbor je donio zaključak da se Prigovor dostavi policijskom komesaru uz propratni akt kojim se traži da pribavi informaciju o tome koliko je puta policija postupala u predmetu prijavitelja, a sa posebnim akcentom na podnesene prijave povodom postupanja policijskih službenika, te da odgovori podnosiocu žalbe u skladu sa ovlaštenjima Policijskog komesara, a prema Zakonu o unutrašnjim poslovima Kantona Sarajevo.

Nezavisni odbor je sugerisao policijskom komesaru da njegov Kabinet sve žalbe koje dođu na e-mail prosljedi Jedinici za profesionalne standarde i zatraži da im se dostavi izvještaj o provedenoj istrazi, a podnosiocu žalbi obavijesti da su njihove žalbe prosljeđene JPS.

AD-6.- Razno

6.1. Razmatranje anonimne prijave i žalbe na postupanje, rad i provjeru eventualne zloupotrebe i prekoračenja ovlaštenja Komisije za unapređenje policijskih službenika u čin "inspektor i mlađi inspektor" u MUP KS Uprave policije Kantona Sarajevo i Komisije u čin "viši inspektor"

Član Nezavisnog odbora, koji je također i predsjedavajući Odbora za žalbe javnosti, je prisutne informisao da je Odbor na svojoj sjednici održanoj 30.07.2024.godine razmatrao anonimnu prijavu i da su zauzeli stav da JPS provede unutrašnju istragu i da dostavi Izvještaj Odboru.

Policijski komesar je rekao da će Izvještaj JPS-a biti dostavljen Kantonalnom tužilaštvu. Komisija za unapređenje policijskih službenika je sastavljena od tri policijska službenika, jedan ispred Komisije za sigurnost i MUP-a KS.

Nezavisni odbor je zaključio da se anonimna prijava dostavi Policijskom komesaru uz propratni akt kojim se traži da nakon što mu Jedinica za profesionalne standarde dostavi Izvještaj o provedenoj istrazi vezano za navode u anonimnoj prijavi da Izvještaj dostavi Nezavisnom odboru.

6.2. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2023. godine

Nezavisni odbor je jednoglasno usvojio (6/6) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period oktobar – decembar 2023. godine, koji su pripremili Mensud Cibra i Jasmin Idrizović.

6.3. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar -mart 2024. godine

Nezavisni odbor je jednoglasno usvojio Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period januar -mart 2024. godine. koji su pripremili Esad Solak i Branislav Bunjevac.

Nezavisni odbor se složio da Izvještaj o radu Nezavisnog odbora za period januar-juni 2024.godine pripremi Mineta Hrvat.

Predsjedavajući Adis Šečić je zaključio rad 31. sjednice Nezavisnog odbora u 18:15 sati.

TRIDESET DRUGA SJEDNICA (30.08.2024.godine)

Sjednica je održana dana 30.08.2024.godine sa početkom rada u 17:00 sati, u prostorijama Skupštine Kantona Sarajevo.

Sjednici je prisustvovalo pet(5) članova Nezavisnog odbora dok su dva člana opravdala svoje odsustvo.

DNEVNI RED

1. Usvajanje Zapisnika sa 31. sjednice Nezavisnog odbora;
7. Informacija o aktivnostima Uprave policije MUP-a Kantona Sarajevo za mjesec juli 2024.godine;
8. Razno.

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Zamjenik predsjedavajućeg je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 31. sjednice Nezavisnog odbora

Zamjenik predsjedavajućeg Esad Solak stavio je na glasanje prijedlog o usvajanju Zapisnika sa 31. sjednice Nezavisnog odbora koja je održana 31.07.2024.godine, te je konstatovao da je Zapisnik sa 31. sjednice Nezavisnog odbora jednoglasno usvojen (5/5).

*U 17:15 sati na sastanak je pristupio Fatmir Hajdarević, policijski komesar,
a u 17:29 sati član Mensud Cibra*

AD-2.- Informacija o aktivnostima Uprave policije MUP-a Kantona Sarajevo za mjesec juli 2024.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec juli 2024.godinu istakao da je u navedenom periodu registrovano više događaja sa obilježjem krivičnog djela u odnosu na isti mjesec 2023.godine. U julu 2024.godine, u odnosu na isti period prethodne godine, došlo je do povećanja događaja sa obilježjem krivičnog djela u oblasti: protiv života i tijela, protiv slobode i prava čovjeka i građanina, protiv braka, porodice i mladeži, protiv opće sigurnosti ljudi i imovine, protiv javnog reda i pravnog prometa. U mjesecu julu tekuće godine, u odnosu na isti mjesec prethodne godine, evidentiran je isti broj događaja sa obilježjem krivičnog djela iz oblasti protiv spolne slobode i morala, dok je evidentirano manje događaja iz oblasti protiv zdravlja ljudi, protiv imovine. Što se tiče događaja sa obilježjem krivičnog djela u kojima su učestvovala maloljetna lica povećan je broj događaja, kao i broj maloljetnih lica koji su iste počinili. U julu 2024.godine evidentirana su dva događaja aktiviranja minsko-eksplozivnih naprava, dok je u istom mjesecu 2023.godine evidentiran jedan događaj. Na području Kantona Sarajevo u julu tekuće godine registrovano je šest požara, koji su za posljedicu imali materijalnu štetu. Što se tiče samoubistava, registrovano je više u posmatranom period tekuće godine u odnosu na isti period prethodne godine. Iz oblasti javnog reda i mira evidentirano je više prekršaja u odnosu na isti period 2023.godine. U mjesecu julu 2024.godine registrovano je više saobraćajnih nezgoda sa manje povrijeđenih i poginulih lica u odnosu na isti mjesec 2023.godine. U navedenom mjesecu oduzeto je 19 motornih vozila od višestrukih povratnika u činjenju prekršaja iz oblasti ZOOPS-a. U nastavku prezentovanja Informacije je govorio o napadima na policijske službenike, o opravdanoj upotrebi sile od strane policijskih službenika, o broju razmatranih predavki na rad policijskih službenika.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec juli 2024.godine.

AD-3.- Razno

Policijski komesar je članove Nezavisnog odbora informisao da tri oklopna vozila dolaze sljedećeg mjeseca, Kantonalno tužilaštvo otvorilo istragu vezano za anonimnu predstavku policijskih službenika na rad Komisije za činovanje u čin "inspektor i mlađi inspektor" i u čin "Viši inspektor".

Zamjenik predsjedavajućeg Nezavisnog odbora Esad Solak je prisutne informisao da je Jedinica za profesionalne standarde zaprimila Zahjev Ombudsmena da im se dostavi dokumentacija u vezi navedenog činovanja. Predlaže da Ministarstvo unutrašnjih poslova dostavi dokumentaciju u skladu sa važećim propisima. Sugerisao je policijskom komesaru da se Pravilnik koji reguliše proces činovanja doradi i da bude elektronsko testiranje kandidata za unapređenje i doraden dostavi ministru na donošenje.

Nezavisni odbor je pohvalio rad policije tokom SFF-a, kao i brzo rasvjetljavanje ubistva na Ciglanama. Smatra da je profesionalno i transparentno urađen proces prijema 245 policajaca. Postavljeno je pitanje policijskom komesaru, da li je uspostavljen kontakt s predstavnicima Policijske akademije vezano za upućivanje novih kadeta.

Policijski komesar je odgovorio da se čekaju sigurnosne provjere za kandidate za policajce i nakon dobijanja istih pristupit će se pregovorima. Problem su uniforme. Istakao je da je bilo oko 150000 posjetilaca na svim skupovima u okviru SFF-a i sve je prošlo bez i jednog incidenta.

Zamjenik predsjedavajućeg Esad Solak je zaključio rad 32. sjednice Nezavisnog odbora u 18:03 sati.

TRIDESET TREĆA SJEDNICA (30.09.2024.godine)

Sjednica Nezavisnog odbora održana je dana 30.09.2024.godine, sa početkom rada u 17:00 sati, u prostorijama Skupštine Kantona Sarajevo.

Sjednici je prisustvovalo šest(6) članova Nezavisnog odbora dok je jedan član opravdao svoje odsustvo.

DNEVNI RED

1. Usvajanje Zapisnika sa 32. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec avgust 2024.godine;
3. Razmatranje Informacije Uprave policije MUP-a Kantona Sarajevo broj:02-94/24 od 30.08.2024.godine ;
4. Razno.

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Zamjenik predsjedavajućeg je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 32. sjednice Nezavisnog odbora

Zamjenik predsjedavajućeg Esad Solak stavio je na glasanje prijedlog o usvajanju Zapisnika sa 32. sjednice Nezavisnog odbora koja je održana 30.08.2024.godine, te je konstatovao da je Zapisnik sa 32. sjednice Nezavisnog odbora usvojen većinom glasova(4/5).

U 17:15 sati na sastanak je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec avgust 2024.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec avgust 2024.godine istakao da je u navedenom periodu registrovano manje



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

događaja sa obilježjem krivičnog djela u odnosu na isti mjesec 2023.godine. U avgustu 2024.godine, u odnosu na isti mjesec prethodne godine, registrovan je isti broj događaja iz oblasti: protiv života i tijela, protiv spolne slobode i morala. U izvještajnom mjesecu 2024.godine, u odnosu na isti mjesec 2023.godine, registrovan je manji broj događaja sa obilježjem krivičnog djela iz oblasti: protiv slobode i prava čovjeka i građanina, protiv braka, porodice i mladeži, protiv imovine, opće sigurnosti ljudi i imovine, protiv javnog reda i pravnog prometa, dok je evidentirano više događaja sa obilježjem krivičnog djela iz oblasti protiv zdravlja ljudi. Što se tiče događaja sa obilježjem krivičnog djela u kojim su učestvovala maloljetna lica evidentirano je povećanje događaja i broja maloljetnih lica koja su učestvovala u istim. U toku mjeseca avgusta tekuće godine nije bilo evidentiranih događaja aktiviranja minsko-eksplozivnih sredstava, dok je bilo registrovanih 15 požara. Isti broj samoubistava je registrovan u avgustu 2024. i avgustu 2023. godine. Iz oblasti javnog reda i mira, u avgustu 2024.godine, evidentirano je više prekršaja iz oblasti javnog reda i mira u odnosu na isti mjesec 2023.godine. U mjesecu avgustu 2024.godine, u odnosu na isti mjesec prethodne godine, registrovano je više saobraćajnih nezgoda sa više nastradalih lica. U navedenom mjesecu oduzeto je 27 motornih vozila od višestrukih povratnika u činjenju prekršaja iz oblasti ZOOBS-a. U nastavku prezentovanja Informacije je govorio o napadima na policijske službenike, o opravdanoj upotrebi sile od strane policijskih službenika, o broju razmatranih predstavlki na rad policijskih službenika.

Nezavisni odbor je postavio pitanje policijskom komesaru vezano za povećan broj prekršaja iz oblasti javnog reda i mira koji su registrovani u PU Ilidža. Iz informacije se ne može vidjeti koji su to prekršaji i koji je razlog povećanja istih.

Policijski komesar je odgovorio da je najviše prekršaja evidentiranih u navedenoj Policijskoj upravi zbog prosjačenja. Skok je i u prekršajima iz oblasti saobraćaja. Jedan od razloga je i pojačan rad policije.

Na pitanje Nezavisnog odbora koji je razlog povećanja prekršaja prema Odluci općinskog vijeća o JRiM policijski komesar je odgovorio da je razlog nepoštivanje radnog vremena u toku održavanja SFF-a.

Nezavisni odbor je pohvalio policijske službenike na rasvjetljavanju ubistva na Ciglanama. Također je pohvalio aktivnosti policije na derbiju FK Sarajevo-FK Željezničar, nikakvih incidenata nije bilo, policija je pokazala profesionalnost na stadionu i prilikom povratka navijača sa utakmice.

Policijski komesar Fatmir Hajdarević je rekao da su navijači vidjeli ozbiljnost policije da zabrani prisustvo navijača na utakmicama ukoliko dođe do bilo kakvog incidenta. Policija koristi zakonske ovlasti. Što se tiče ubistava, istakao je da nema još niti jednog nerazriješenog. Kroz medije će dati informaciju o navodima koje pojedinci iznose u medijima.

Nezavisni odbor je policijskom komesaru sugerisao da se očituje po izjavama ministra Rama Isaka i drugih u medijima vezano za osiguranje nogometnih utakmica.

Policijski komesar je mišljenja da je poražavajuće da se Specijalna jedinica FMUP-a, koja bi trebala biti najelitnija i najopremljenija, koristi za utakmice.

Nezavisni odbor je istakao da Uprava policije KS mora uvijek zauzeti pravilan stav sa argumentima zašto je zabranjen dolazak navijača na utakmice.

Dalje je diskutovano o podacima navedenim u tabelarnom pregledu nakandno rasvjetljenih događaja sa obilježjem krivičnog djela evidentiranih po nepoznatom izvršiocu, te je sugerisano polici-



jskom komesaru da traži od analitičara koji priprema Informaciju da malo bolje obrazloži podatke koji se nalaze u informacijama. Također, potrebno je detaljnije obrazložiti i prekršaje iz oblasti javnog reda i mira i saobraćaja, odnosno koji su razlozi saobraćajnih nezgoda. Postavljeno je i pitanje u kojoj je fazi izdavanje prekršajnih naloga vezano za radare.

Policijski komesar je odgovorio da će se do maja sljedeće godine riješiti zaostataka u izdavanju prekršajnih naloga vezano oko radara.

Nezavisni odbor je postavio pitanje, vezano za pucnjavu u Hrasnom, koje su planske aktivnosti Uprave policije da se preduprije pojave upotrebe oružja na javnom mjestu. U nastavku je postavio pitanje da li imaju punu saradnju sa OSA-om vezano za dojave o bombama i koje su planske aktivnosti u vez održavanja lokalnih izbora.

Policijski komesar je odgovorio da nemaju saradnju ni sa jednom agencijom kao što imaju sa OSA-om. Saradnja nikad bolja. Što se tiče dojava o bombama smatra da će se teško riješiti. Dojave o bombama u školama se rješavaju. Uprava policije će posao vezan za lokalne izbore uraditi kako treba. Formiran je štab i načelnici policijskih uprava će biti odgovorni za zadatke. Informisao je članove Nezavisnog odbora da je u toku izrada Pravilnika o unutrašnjoj sistematizaciji kojim će se formirati Policijska uprava Trnovo. Smatra da Specijalnu jedinicu treba izdvojiti iz Jedinice za podršku i istu pojačati.

Nezavisni Odbor je primio k znanju Informaciju o aktivnostima Uprave policije MUP-a Kantona Sarajevo za mjesec avgust 2024.godine.

AD-3.-Razmatranje Informacije Uprave policije MUP-a Kantona Sarajevo broj:02-94/24 od 30.08.2024.godine

Policijski komesar je istakao da problem Hadžikadić Adnana i Mlikota Vladimira datira dugi niz godina.

Nezavisni odbor smatra da je bitno da se Hadžikadić Adnan i njegov advokat obavijeste zašto ga policijski komesar nije primio. Na kraju je rekao da Uprava policije treba dostaviti Informaciju koju Nezavisni traži u roku od 15 dana.

Nezavisni odbor je primio k znanju Informaciju Uprave policije MUP-a Kantona Sarajevo broj:02-94/24 od 30.08.2024.godine.

AD-4.- Razno

Članovi Nezavisnog odbora nisu delegirali niti jednu temu koja bi se razmatrala pod tačkom Razno..

Zamjenik predsjedavajućeg Esad Solak je zaključio rad 33. sjednice Nezavisnog odbora u 18:00 sati.



TRIDESET ČETVRTA SJEDNICA (30.10.2024.godine)

Trideset četvrta sjednica Nezavisnog odbora, održana je dana 30.10.2024.godine sa početkom rada u 17:00 sati u prostorijama Skupštine Kantona Sarajevo.

Sjednici je prisustvovalo šest(6) članova Nezavisnog odbora, dok je jedan član opravdao odsustvo sa sjednice.

DNEVNI RED

1. Usvajanje Zapisnika sa 33. sjednice Nezavisnog odbora;
2. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli - 30.septembar 2024.godine;
3. Informacija o aktivnostima Uprave policije MUP-a Kantona Sarajevo za mjesec septembar 2024.godine;
4. Informacija o aktivnostima Uprave policije MUP-a Kantona Sarajevo za period januar-septembar 2024.godine;
5. Razmatranje zahtjeva Pravobranilaštva Kantona Sarajevo broj:P-66/17 od 18.10.2024.godine;
6. Razno

Članovi Nezavisnog odbora su jednoglasno usvojili Dnevni red (6/6).

Nakon što je konstatovano da je na sjednici prisutno (6/6) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 33. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 33. sjednice Nezavisnog odbora koja je održana 30.09.2024.godine, te je konstatovao da je Zapisnik sa 33. sjednice Nezavisnog odbora jednoglasno usvojen (6/6).

U 17:15 sati na sastanak je pristupio Fatmir Hajdarević, policijski komesar

AD-2.- Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli - 30.septembar 2024.godine

Policijski komesar Fatmir Hajdarević je ukratko prezentirao Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli - 30.septembar 2024.godine.

Nezavisni odbor je primio k znanju Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period 01. juli - 30.septembar 2024.godine.



AD-3.- Informacija o aktivnostima Uprave policije MUP-a Kantona Sarajevo za mjesec septembar 2024.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec septembar 2024.godine istakao da je u navedenom mjesecu registrovano manje događaja sa obilježjem krivičnog djela u odnosu na isti mjesec 2023.godine. U izvještajnom mjesecu 2024.godini, u odnosu na septembar prošle godine, evidentirano je isti broj događaja sa obilježjem krivičnog djela iz oblasti protiv života i tijela. U septembru 2024.godine, u odnosu na isti mjesec prethodne godine, evidentiran je manji broj događaja sa obilježjem krivičnog djela iz oblasti: protiv slobode i prava čovjeka i građanina, protiv spolne slobode i morala, protiv braka, porodice i mladeži, protiv zdravlja ljudi, protiv imovine, protiv javnog reda i pravnog prometa, dok je evidentirano više događaja sa obilježjem krivičnog djela iz oblasti: protiv opće sigurnosti ljudi i imovine. Što se tiče događaja sa obilježjem krivičnog djela u kojim su učestvovala maloljetna lica u septembru tekuće godine evidentiran je jedan događaj sa obilježjem krivičnog djela. U toku mjeseca septembra tekuće godine nije bilo evidentiranih događaja aktiviranja minsko-eksplozivnih sredstava, dok je bilo registrovanih 13 požara. Iz oblasti javnog reda i mira, u izvještajnom mjesecu 2024.godine, evidentirano je više prekršaja iz oblasti javnog reda i mira u odnosu na isti mjesec 2023.godine. U septembru 2024.godine registrovano je više saobraćajnih nezgoda u odnosu na isti mjesec prošle godine. U navedenom mjesecu oduzeto je 25 motornih vozila od višestrukih povratnika u činjenju prekršaja iz oblasti ZOOPS-a. U nastavku je informisao članove Nezavisnog odbora da je u mjesecu septembar izvršena kontrola 49 ugostiteljskih objekata, registrovano je 14 anonimnih dojava o postavljenim minsko-eksplozivnim sredstvima.

Nezavisni odbor je nakon izlaganja policijskog komesara, postavio pitanje policijskom komesaru vezano za podatke navedene u pregledu naknadno rasvjetljenih događaja sa obilježjem krivičnog djela evidentiranih po nepoznatom izvršiocu, koji prikazuje da je u nekim policijskim upravama mali broj rasvjetljenih događaja. Članove Nezavisnog odbora je interesovalo koji je razlog slabe rasvjetljenosti evidentiranih događaja sa obilježjem krivičnog djela. U nastavku je sugerisano policijskom komesaru da skrene pažnju službenicima koji pripremaju informaciju da vode računa da li su pojedini zakonski i podzakonski akti izmjenjeni, da navode tačne nazive službenih glasila/novina u kojim su objavljeni propisi.

Policijski komesar je odgovorio da će raspraviti na Kolegiju zašto je u pojedinim policijskim upravama slabija rasvjetljenost evidentiranih događaja sa obilježjem krivičnih djela.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec septembar 2024.godine.

AD-4- Informacija o aktivnostima Uprave policije MUP-a Kantona Sarajevo za period januar-septembar 2024.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za period januar-septembar 2024.godine istakao je da je u navedenom periodu registrovano manje događaja sa obilježjem krivičnog djela u odnosu na isti period 2023.godine. U izvještajnom periodu, u odnosu na isti period 2023.godinu, iz oblasti javnog reda i mira registrovano je više prekršaja. U periodu januar-septembar 2024.godine, u odnosu na isti period 2023.godine, registrovano je manje saobraćajnih nezgoda, a uručeno je više prekršajnih naloga vozačima. U posmatranom periodu oduzeto je 219 vozila od višestrukih povratnika u činjenju prekršaja iz oblasti ZOOPS-a. Registrovano je 72 anonimne dojava o postavljenim minsko-eksplozivnim sredstvima. Uprava policije je u posmatranom periodu izvršila kontrolu 397



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

15/21

ugostiteljskih objekata. U nastavku policijski komesar je istakao da je rad policije, po osnovu oduzimanja droge, popravljen. Istakao je da Uprava policije ima sve manje ljudi. Što se tiče posljednje konkursne procedure za prijem policajaca došlo je do zastoja u procjeni sigurnosti zbog jednog lica koje je išao i na dodatne provjere i čeka se odgovor.

Na pitanje Nezavisnog odbora, kad je planiran odlazak kandidata za policajce na Policijsku akademiju policijski komesar je odgovorio u decembru tekuće godine ili u januaru sljedeće godine. U nastavku policijski komesar je rekao da misli da je riješen problem nabavke uniformi i iste bi trebale biti nabavljen do kraja marta 2025.godine, a obuču bi mogli dobiti i ranije. Informisao je Nezavisni odbor da je problem Budžet. Vlada, odnosno Ministarstvo finansija traži da se obustave nabavke. Istakao je da Uprava policije ima dogovor sa Ministarstvom finansija Kantona Sarajevo da će se ići u kreditno zaduženje kako bi se obnovio vozni park. Rekao da je Vlada donijela odluku da Uprava policije ne naplaćuje od klubova obezbjeđenje sportskih utakmica. Istakao je da je saradnja sa Kantonalnim tužilaštvom Kantona Sarajevo bolja nego prije. U nastavku je govorio o problema koje su prouzrokovale anonimne dojave o postavljenim bombama.

U diskusiju o problemima prouzrokovanim anonimnim dojavama o postavljenim bombama uključili su se članovi Nezavisnog odbora.

Nezavisni odbor postavio je pitanje policijskom komesaru da li je policija učinila sve potrebne mjere i radnje vezano za dojave o eksplozivnim napravama u školama i koja je brzina rasvjetljavanja dojava.

Policijski komesar je odgovorio da imaju maksimalan učinak, od Federalne uprave policije i OSA-e dobijaju adrese osoba koje dojavljuju da je bomba postavljena. Dojave putem telefona najbrže se rasvjetljavaju.

Na pitanje Nezavisnog odbora člana da li je organizovan sastanak Uprave policije, Vlade, Ministarstva za odgoj i obrazovanje, Kantonalnog tužilaštva i da li će iko od navedenih preuzeti odgovornost policijski komesar je odgovorio da niko osim Uprave policije i Kantonalnog tužilaštva neće preuzeti odgovornost.

U nastavku se diskutovalo i o odredbama Pravilnika o vođenju evidencije o neprihvatljivim oblicima ponašanja i/ili drugim faktorima koji mogu ugroziti najbolji interes učenika i zaštititi učenika. U Pravilniku nema nigdje regulisano da policija može dobiti evidencijski list o neprihvatljivom oblicima ponašanja. Što se tiče dojava o bombama, smatra se da policija ima najmanje posla, trebaju pedagozi, socijalni radnici da se uključe.

Predsjedavajući Nezavisnog odbora smatra da se Vlada Kantona Sarajevo mora uključiti u rješavanje problema dojava bombi. Uprava policije treba iznijeti problem Vladi, reći ovo možemo riješiti, a ovo ne možemo. Uprava treba da predloži Vladi šta treba uraditi.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za period januar-septembar 2024.godine.

AD-5.- Razmatranje zahtjeva Pravobranilaštva Kantona Sarajevo broj:P-66/17 od 18.10.2024.godine

Predsjedavajući Nezavisnog odbora Adis Šečić je ukratko prezentirao zahtjev Pravobranilaštva Kantona Sarajevo za izjašnjenje o podnošenju revizije na drugostepenu presudu Kantonalnog suda u Sarajevu u pravnoj stvari tužitelja Čosić Vahida protiv tuženog Kantona Sarajevo.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

16/21

Nezavisni odbor se jednoglasno složio (6/6) da se Pravobranilaštvu Kantona Sarajevo dostavi sljedeći odgovor:

“Nezavisni odbor Skupštine Kantona Sarajevo zaprimio je Zahtjev za izjašnjenje o podnošenju revizije na drugostepenu presudu Kantonalnog suda u Sarajevu broj:65 0 Rs 627379 19 Rsž od 24.09.2024.godine, u pravnoj stvari tužitelja Ćosić Vahida protiv tuženog Kantona Sarajevo.

Nezavisni odbor je na sjednici održanoj 30.10.2024.godine razmatrao navedeni zahtjev i jednoglasno zauzeo stav da, s obzirom da nema kontinuitet u radu, nije ovlašten za izjašnjavanje o potrebi revizije predmetne drugostepene presude u vezi sa odlukama koje su donosili članovi Nezavisnog odbora u ranijim sazivima”.

AD-6.- Razno

6.1. Informacija Uprave policije MUP-a Kantona Sarajevo o dojavama o bombama u školama, sudovima i tržnim centrima, vršnjačkom nasilju u školama i pucnjavama na području Kantona sarajevo broj:02-110/24 od 28.10.2024.godine

Nakon što je policijski komesar Fatmir Hajdarević prezentirao navedenu informaciju uslijedila je diskusija članova Nezavisnog odbora.

Predsjedavajući Adis Šečić je istakao da smatra da je Uprava policije poduzela sve mjere na rasvjetljavanju dojava o bombama, vršnjačkom nasilju u punjavama.o čemu su se usaglasili svi prisutni članovi NO.

Nezavisni odbor je primio k znanju Informacija Uprave policije MUP-a Kantona Sarajevo o dojavama o bombama u školama, sudovima i tržnim centrima, vršnjačkom nasilju u školama i pucnjavama na području Kantona sarajevo broj:02-110/24 od 28.10.2024.godine.

6.2.- Razmatranje Izvještaja o radu Nezavisnog odbora za period juli-decembar 2023. godine

Nezavisni odbor je jednoglasno usvojio (6/6) Izvještaj o radu Nezavisnog odbora za period juli-decembar 2023. godine i isti će biti dostavljen Skupštini na razmatranje i usvajanje.

Predsjedavajući Adis Šečić je zaključio rad 34. sjednice Nezavisnog odbora u 18:45 sati.

TRIDESET PETA SJEDNICA (18.11.2024.godine)

Sjednica je održana 18.11.2024.godine sa početkom rada u 17:30 sati,u prostorijama Skupštine Kantona Sarajevo.

Sjednici je prisustvovalo šest(6) članova Nezavisnog odbora,dok je jedan član opravdao svoje odsustvo.

DNEVNI RED

1. Na Usvajanje Zapisnika sa 34. sjednice Nezavisnog odbora;
2. Razmatranje zahtjeva Almira Pašića;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax:+ 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

3. Razno.

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 34. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 34. sjednice Nezavisnog odbora koja je održana 30.10.2024.godine, te je konstatovao da je Zapisnik sa 34. sjednice Nezavisnog odbora jednoglasno usvojen (5/5).

AD-2.- Razmatranje zahtjeva Almira Pašića

Predsjedavajući Adis Šečić je upoznao članove da je Nezavisni odbor Skupštine Kantona Sarajevo, dana 28.10.2024.godine, zaprimio zahtjev Almira Pašića kojim traži Zapisnik o glasanju članova Nezavisnog odbora sa 29. sjednice, koja je održana 24.05.2024.godine. Na navedenoj sjednici je nezavisni odbor razmatrao Prijavu i žalbu glavnog inspektora Almira Pašića na rad i ponašanje policijskog komesara Uprave policije MUP-a Kantona Sarajevo.

Nakon uvodnog izlaganja, uslijedila je diskusija članova Nezavisnog odbora.

Nezavisni odbor je jednoglasno donio (6/6) Odluku da će Nezavisni odbor Skupštine Kantona Sarajevo obavijestiti Almira Pašića o glasanju članova Nezavisnog odbora na 29. sjednici Nezavisnog odbora, održanoj 24.05.2024.godine, a po prijavi i žalbi imenovanog na rad i ponašanje policijskog komesara Ministarstva unutrašnjih poslova Kantona Sarajevo Fatmira Hajdarevića. Podnosiocu zahtjeva odgovor će biti dostavljen na kućnu adresu.

Nezavisni odbor je jednoglasno odlučio (6/6) da se Almiru Pašiću dostavi sljedeći Odgovor:

“Nezavisni odbor Skupštine Kantona Sarajevo je, dana 28.10.2024.godine, zaprimio Vaš zahtjev od 28.10.2024.godine kojim tražite Zapisnik o glasanju članova Nezavisnog odbora sa 29. sjednice, koja je održana 24.05.2024.godine.

Razmatrajući zahtjev Nezavisni odbor je na svojoj 35. sjednici, održanoj 18.11.2024.godine donio Odluku da Vas obavijesti o izjašnjenju članova Nezavisnog odbora vezano za Odluku Nezavisnog odbora donesenu 24.05.2024.godine po Vašoj prijavi i žalbi na rad i ponašanje Policijskog komesara Ministarstva unutrašnjih poslova Kantona Sarajevo.

U skladu sa članom 34. stav (10) Zakona o unutrašnjim poslovima Kantona Sarajevo („Službene novine Kantona Sarajevo“ br. 1/16, 26/19, 31/19 i 39/20) obavještavamo Vas da je predmetna Odluka donesena jednoglasno (7/7), odnosno svih sedam članova je glasalo za istu”.

AD-3. -Razno

Član Nezavisnog Kenan Kapo je predložio da se uputi Komisiji za izbor i imenovanja i administrativna pitanja Skupštine Kantona Sarajevo akt kojim se traži povećanje naknada članovima Nezavisnog odbora i sekretaru Nezavisnog odbora. Predloženo je da iznos naknade za članove Nezavisnog odbora u visini od 50% prosječne mjesečne plaće isplaćene u Kantonu Sarajevo, prateći posljednje objavljene podatke Zavoda za informatiku i statistiku Kantona Sarajevo, sa naglaskom na razliku u iznosu naknade za rad predsjedavajućem, članovima Nezavisnog odbora i sekretaru Nezavisnog odbora, što je jednoglasno podržano (6/6)



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-055, Fax: + 387 (0) 33 562-210

Web: <http://skupstina.ks.gov.ba>

E-mail: skupstina@skupstina.ks.gov.ba

18/21

U 17:55 sati na sastanak je pristupio Fatmir Hajdarević, policijski komesar

Policijski komesar je ukratko članove Nezavisnog odbora upoznao da je predvodio delegaciju Uprave policije MUP-a Kantona Sarajevo na ekspertnom sastanku sa predstavnicima Europol, SIPE, Ministarstvom unutrašnjih poslova RS i Policije Brčko distrikta. Istakao je da je dobra saradnja sa Kantonalnim tužilaštvom Kantona Sarajevo. Govorio je o aktivnostima vezanim za dojave o postavljenim bombama.

Predsjedavajući Adis Šečić je zaključio rad 35. sjednice Nezavisnog odbora u 18:10 sati.

TRIDESET ŠESTA SJEDNICA (27.12.2024)

Sjednica je održana dana 27.12.2024.godine sa početkom rada u 17:00 sati u prostorijama Skupštine Kantona Sarajevo.

Sjednici je prisustvovalo šest(6) članova Nezavisnog odbora, dok je jedan član opravdao svoje odsustvo.

DNEVNI RED

1. Usvajanje Zapisnika sa 35. sjednice Nezavisnog odbora;
2. Informacija o aktivnostima Uprave policije MUP-a Kantona Sarajevo za mjesec oktobar 2024.godine;
3. Informacija o aktivnostima Uprave policije MUP-a Kantona Sarajevo za mjesec novembar 2024.godine;
4. Razmatranje prijave protiv policijskog komesara Uprave policije MUP-a KS, upućene od strane građanina Pašić Mirze;
5. Razmatranje zahtjeva Almira Pašića;
6. Razno.

Članovi Nezavisnog odbora su jednoglasno usvojili Dnevni red (5/5).

Nakon što je konstatovano da je na sjednici prisutno (5/5) članova Nezavisnog odbora, te da postoji kvorum za rad i odlučivanje sukladno odredbi člana 7. Poslovnika o radu Nezavisnog odbora, Predsjedavajući je u skladu sa odredbom člana 6. stav 1. Poslovnika otvorio sjednicu Nezavisnog odbora, te se prelazi na predložene tačke Dnevnog reda, a kako slijedi:

AD-1.- Usvajanje Zapisnika sa 35. sjednice Nezavisnog odbora

Predsjedavajući Adis Šečić stavio je na glasanje prijedlog o usvajanju Zapisnika sa 35. sjednice Nezavisnog odbora koja je održana 18.11.2024.godine, te je konstatovao da je Zapisnik sa 35. sjednice Nezavisnog odbora jednoglasno usvojen (5/5).

U 17:15 sati na sastanak je pristupio Fatmir Hajdarević, policijski komesar

AD-2.- Informacija o aktivnostima Uprave policije MUP-a Kantona Sarajevo za mjesec oktobar 2024.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec oktobar 2024.godine istakao da je u navedenom mjesecu registrovano više događaja sa obilježjem krivičnog djela u odnosu na isti mjesec 2023.godine. U oktobru 2024.godine, u odnosu na isti mjesec prethodne godine, evidentiran je manji broj događaja sa obilježjem krivičnog djela iz oblasti: protiv života i tijela, protiv zdravlja ljudi, protiv imovine, protiv opće sigurnosti ljudi i imovine, dok je evidentirano više događaja sa obilježjem krivičnog djela iz oblasti: protiv slobode i prava čovjeka i građanina, protiv spolne slobode i morala, protiv braka, porodice i mladeži. U izvještajnom mjesecu 2024.godine, u odnosu na isti mjesec 2023.godine, povećan je broj događaja sa obilježjem krivičnog djela u kojima su učestvovala maloljetna lica. Evidentiran je jedan događaj aktiviranja minsko-eksplozivnog sredstva. U oktobru 2024.godine registrovano je pet požara, te jedno samoubistvo. Pripadnici Uprave policije MUP-a Kantona Sarajevo su izvršili kontrolu 55 ugostiteljskih objekata i 720 lica. Iz oblasti javnog reda i mira, u izvještajnom mjesecu 2024.godine, evidentirano je više prekršaja iz oblasti javnog reda i mira u odnosu na isti mjesec 2023.godine. Na području Kantona Sarajevo u oktobru tekuće godine održano je 243 javna skupa i 71 KDZ osiguranje. U oktobru 2024.godine registrovano je manje saobraćajnih nezgoda i manje nastradalih lica, u odnosu na isti period prošle godine. U navedenom mjesecu oduzeto je 26 motornih vozila od višestrukih povratnika u činjenju prekršaja iz oblasti ZOOPS-a. U mjesecu oktobru tekuće godine registrovano je 328 anonimnih dojava o postavljenim minsko-eksplozivnim sredstvima.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec oktobar 2024.godine

AD-3.-Informacija o aktivnostima Uprave policije MUP-a Kantona Sarajevo za mjesec novembar 2024.godine

Policijski komesar je prezentirajući Informaciju o aktivnostima Uprave policije MUP-a Kantona Sarajevo za mjesec novembar 2024.godine istakao da je u navedenom mjesecu registrovano manje događaja sa obilježjem krivičnog djela u odnosu na isti mjesec 2023.godine. U novembru 2024.godine evidentirano je više događaja sa obilježjem krivičnog djela iz oblasti: protiv života i tijela, protiv slobode i prava čovjeka i građanina, protiv spolne slobode i morala, protiv opće sigurnosti ljudi i imovine, dok je evidentirano manje događaja sa obilježjem krivičnog djela iz oblasti: protiv braka, porodice i mladeži, protiv zdravlja ljudi, protiv javnog reda i pravnog prometa. U izvještajnom periodu, u odnosu na isti period 2023.godine povećan je broj događaja sa obilježjem krivičnog djela u kojima su učestvovala maloljetna lica, kao i broj maloljetnika. U novembru 2024.godine evidentiran je jedan događaj aktiviranja minsko-eksplozivnog sredstva, dok u novembru 2023.godine nije bilo. U izvještajnom periodu evidentirano je 12 požara, što je za sedam manje. U novembru 2024.godine održano je 336 javna skupa i 51 KDZ osiguranje. U izvještajnom mjesecu pripadnici Uprave policije MUP-a KS izvršili su kontrolu 61 ugostiteljskog objekta i kontrolisano je 925 lica. U toku novembra 2024.godine evidentirano je 372 prekršaja iz oblasti javnog reda i mira, što je za 17 više u odnosu na isti period 2023.godine. U novembru 2024.godine registrovano je 916 saobraćajnih nezgoda, što je za 55 više u odnosu na isti mjesec 2023.godine, dok je manje nastradalih lica u istim. U novembru 2024.godine uručeno je 40.437 prekršajnih naloga vozačima, što je za 76,6% više u odnosu na novembar 2023.godine. U izvještajnom mjesecu oduzeto je 23 motornih vozila od višestrukih povratnika u činjenju prekršaja iz oblasti ZOOPS-a. U



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba

20/21

novembru tekuće godine registrovano je 135 anonimnih dojava o postavljenim minsko-eksplozivnim sredstvima.

Nezavisni odbor je primio k znanju Informaciju o aktivnostima Uprave policije MUP-a Kantona Sarajevo za mjesec novembar 2024.godine.

AD-4.- Razmatranje prijave protiv policijskog komesara Uprave policije MUP-a KS, upućene od strane građanina Pašić Mirze

Nezavisni odbor je razmatrao prijavu građanina Mirze Pašića i usmeno izjašnjenje policijskog komesara Ministarstva unutrašnjih poslova Fatmira Hajdarevića i jednoglasno (5/5) donio Zaključak kako iz prijave ne proizilaze bilo kakve povrede dužnosti Policijskog komesara, dok se Nezavisni odbor nije bavio prijavom u dijelu koji se odnosi na privatnost podnositelja prijave i njegove bivše supruge.

AD-5.- Razmatranje zahtjeva Almira Pašića

Nakon diskusije svih prisutnih članova Nezavisnog odbora o zahtjevu Almira Pašića, koju je koja je zaprimljena 16.12.2024.godine Nezavisni odbor je donio jednoglasno (5/5) Zaključak da se Skupštini Kantona Sarajevo uputi inicijativa za autentično tumačenje člana 43. Zakona o unutrašnjim poslovima Kantona Sarajevo kako bi Nezavisni odbor mogao poduzeti mjere iz svoje nadležnosti.

AD-6.- Razno

6.1. Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period april-juni 2024.godine

Nezavisni odbor je jednoglasno usvojio (6/6) Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period april-juni 2024.godine, koji su pripremili članovi Jasmin Idrizović i Mensud Cibra i isti će biti dostavljen Skupštini Kantona Sarajevo.

Predsjedavajući Adis Šečić je zaključio rad 36. sjednice Nezavisnog odbora u 18:00 sati.

Nezavisni odbor predlaže Skupštini Kantona Sarajevo da usvoji Izvještaj o radu Nezavisnog odbora za period juli-decembar 2024. godine.

Broj: 01-04-77- 26 /25
Sarajevo, 24.07.2025. godine



**PREDSJEDAVAJUĆI
NEZAVISNOG ODBORA**

Adis Šečić

